

據

明

趙吉士纂編
盧宜彙輯
康熙刻本
影印

續表忠記
(三)

成文出版社有限公司
印行

中華民國 六十年五月十一版

續表忠記

全三冊

發行人：黃 成 助

出版者：成文出版社有限公司

台北郵政信箱二二六〇五號
台北郵政信箱二二六〇五號
台北市羅斯福路三段279之二號
電話：三七〇一三二號

印刷者：東南印製廠有限公司

和平西路二段70巷83弄29號

內政部登記證內版台業字第一一四七號

續表忠記卷之六

漸岸恒夫趙吉士纂編

四明公弼盧宜彙輯

賀文忠公傳

附夫人危氏子覲明光明等蘄州守道許文岐大冶尹如翁等

有明崇禎十六年五月獻賊破武昌沉楚王於江予告大學士賀逢聖闔門死之逢聖字克由號對揚江夏人父亨陽先生以理學名家爲人倫師表終歲樂飢常以鷄豆易米度歲或禦冬以絺意恬如也逢聖稟承庭訓少受知於督學熊尚文愛之甚與熊廷弼

同被優眷。或有問二生優劣者。答曰。賀生夏瑚商璉也。熊生干將莫邪也。其言卒不爽。是科熊領解額。而逢聖不售。督學顧之太息。令自爲三年膏火計。逢聖改容謝曰。生平未嘗以竿牘干人。何可以下第故自喪所守。若少分吾師清俸。則不敢不拜。督學益歎服。癸卯列賢書。屢赴春官。又不售。就教得應城諭。日與諸生以道義相切劘。師資臯比爲全楚冠。常曰。吾歟。歷清華。至入政事堂。平章軍國。無一事足報大官者。惟寒氊七載。實心實行。庶幾免素餐譏耳。丙辰以榜

眼及策逢聖里居時與熊廷弼素不協及遼左之變
祖王撫者將歸獄於熊楚紳梅之煥等出揭直之疑
其意有異同逢聖慨然曰此國家大事庸敢以小嫌
介意公揭具草請以屬某灑灑數千言曲盡情理熊
雖不能生出獄門人益服其雅量逆奄濁亂朝紀楊
忠烈漣首揚其惡忠烈故楚人忠賢遂與楚人仇不
解并殺熊司馬凡在朝列者擯斥殆盡猶慕逢聖清
望故爲好語曰各省直爲某建生祠惟貴鄉實無功
德逢聖曰地方官爲此舉其實不知奄又言聞上樑

文○出○公○手○何○云○不○知○逢○聖○正○色○曰○某○爲○天○子○近○臣○何○
敢○犯○交○結○律○毋○爲○小○人○所○誑○奄○大○恨○矯○旨○削○其○籍○奄○
誅○起○南○祭○酒○六○年○歷○吏○部○左○侍○郎○旋○晉○冢○宰○協○理○詹○
事○府○崇○禎○丙○子○六○月○與○孔○貞○運○黃○士○俊○同○人○內○閣○逢○
聖○務○持○大○體○密○勿○劬○勲○如○救○黃○宮○詹○道○周○尤○協○輿○論○
致○政○歸○歷○陳○道○中○所○見○災○傷○及○郵○傳○困○敝○狀○帝○優○旨○
報○焉○居○鄉○惟○以○德○化○人○布○衣○草○屨○徜徉○山○水○間○人○遇○
之○不○知○其○爲○元○老○也○踰○年○遣○官○存○問○又○一○年○再○召○入○
中○書○他○相○應○召○者○盛○賓○從○擁○輜○重○挾○寵○妾○歌○兒○舳○舻○

相望高燒銀燭如白日。薰蘭蕤麝氣氤氳。遶數里郡邑。
屏道左伏謁。暮夜進黃白纍纍。海錯山珍爭奇鼎俎。
門生幕客四出招搖。惟逢聖刺一敝舟。挾蒼頭三數。
人蕭然如賈客。揚帆竟渡關津。大吏欲物色江夏相。
公舟不可得。已知其去且久。咸嘖嘖歎異。上亦廉得。
其狀。心益向之。入朝未久。與同列不合。壬午復乞歸。
慰留不得。宴餞便殿。感恩悲泣。伏地不能起。上亦泫。
灩動容。賜坐蟒。遣官護行。瀕行疏謝。因救尚書李日。
宣等。帝報曰。克抒蓋忱。彌見忠愛。朕當書諸座右。用。

爲箴銘癸未正月獻賊陷蘄州執守道許文岐文岐
字我西杭州人世族鼎貴成進士時獻忠適賈於杭
寓比鄰識文岐因爲好語道其居址門第并已所寓
主人姓名甚悉欸留賊營屢逼其降不屈乃殺之再
破蘄水疾馳至黃州乘大霧攻之城卽陷賊勢洶洶
門人尹如翁大冶人心憂逢聖趨三百里往謁持一
僧帽一僧衣爲諷答以見危授命知不可奪辭去不
復言五月獻忠向武昌城中大震議撤江上兵櫻城
固守叅將崔文榮不可建議守江議者不從賊果從

煤炭洲渡。先是楚士大夫僕隸之盛。申於天下。麻城之梅、劉、田、李不下三四千人。其泰已甚。寇禍作。令其糾率同黨爲里仁會。意將藉爲捍蔽也。而兇黠惡少反炮烙衣冠。推刃其故主。以投賊。故列城之下如破竹。賊急攻武昌。楚府親兵開文昌保安二門納賊。城遂陷。賊有識者指曰。此賀佛也。揮之令避去。逢聖曰。我爲大臣不可苟活。義當死。整衣冠北向五叩頭。投滋陽湖。王會橋下同日危。夫人長子賀覲明死之。仲子光明聞難來奔。又死之。兩子媳曾氏、陳氏、孫三人。

皆死之。僕萱命亦死之。闔門就義者二十餘人。閱一百七十日。屍始出。面目如生。上震悼。命禮官優卹。未及行。南京諡文忠。而尹如翁辭歸。大冶城破。被執。亦不屈死。賊錄武昌城內男子十五以上二十以下者爲兵。餘皆連項就戮。賊持刀者腕爲脫。乃佯開漢陽門縱之去。門逼水。人囂呼踐蹈。鐵騎圍而蹙之。江中自鸚鵡洲迄於道士洑。浮鼃蟻動。水幾不流。踰月。人脂厚寸許。魚鱉皆不可食。一城所遺民不過數百。皆刖斷手足。鑿毀目鼻。無一全形者。初賊下漢陽。將渡

江攻武昌，逢聖因長史徐學顏見楚王，乞發帑募士。王出高皇帝所分金，褫交椅一，曰：「惟此可佐軍需。」他何有矣？逢聖慟哭而出。後獻忠見其庫中金鉅萬輦，載者數百車，不盡。歎曰：「有如此金錢，不能設守。」朱鬚子真庸兒也，縛王於所賜金交椅而沉之江。

趙吉士曰：賊攻武昌，公以在籍老臣躬擐甲胄，誓衆固守，及城陷，闔門殉節，尤彪炳千古。視宋之宰相江萬里，後先爭烈矣。若楚王者，城破身死，他果何有哉？

楊喬年曰：有明之初，甚重師儒之席。若曹學士、魏冢宰、驥，皆由此發軔。迨其後，暮齒頽唐，旣無以自重，又何能取重於人？公曰：「惟寒羶七載實心行實政，庶免素餐譏。」以此爲師儒，則師儒重矣。

盧宜曰、公束身砥行、其學一本於靜、及居政府、亦復恬淡寡營、識者謂非劬多難才、然其忠君愛國之心、可告皇天而矢白日、視他相之挾數用術、保富貴而悞國家者、相去懸絕矣、公嘗與友人書曰、公門無一字之干、本家無生事之僕、錢糧無分毫升合之逋欠、馬遞水驛未嘗索一騎、一舟山塲湖地、不討啻一尺一寸、大江上下、無營運裝載之一船、其或非意相加、則力誠子孫、閉門謝過而已、惟公庶幾不愧此言、

武昌諸忠合傳

武昌爲獻賊所破。紀其時。與賀文忠同殉國難者。二
曰崔文榮。城守叅將也。世襲海寧衛指揮。中武進士。
授南安守備。崇禎初。臨藍盜起。討平之。以功擢武昌
叅將。十六年。張獻忠陷黃州。四月。漢陽隨破。武昌大
震。時巡撫宋一鶴。總兵錢中選。皆死於承天。新撫黃
汝魁未至。省中諸大吏及府縣正官。皆以入覲行。不
特禦賊無兵。而且設守無官。有議撤江上兵爲城守
計者。文榮大言曰。守城不如守江。團風煤炭鴨蛋諸

洲淺不及馬腹縱之飛渡而獨守孤城是坐以待斃也。衆議不協。五月初五日賊果從煤炭洲渡江陷武昌。縣城中空無人。賊出營樊口待後隊畢渡。旌旗蔽數十里。捲甲直趨省城。文榮以武勝門當賊衝。偕故相國賀逢聖協力堅守。賊攻之不能下。而楚府新兵已開他門納賊。文榮方出鬪。還聞變。闔城扉不及躍。馬大呼殺三人。賊攢刃刺之。洞胸而死。一日徐學顏楚府長史也。字君復。永康人。性孝友。父爲兵馬指揮。忤要人下吏。學顏嚙臂血頌冤。乃得釋。三登鄉試副。

棟至崇禎十二年以拔貢授左長史性方嚴輔王必
以禮王甚敬之楚宗素悍亦受學顏薰陶爲之稍戢
十五年諸司朝覲委攝江夏縣事賊逼與賀逢聖勸
王捐金募士王不省城陷學顏與賊鬪左臂已殊右
手猶持刀不仆賊支解之舉家二十餘人咸死於賊
同時殉難者通判固安李毓英亦闔門自縊武昌衛
經歷汪文熙巡檢戴良瑄及僧官一人皆詈賊死巡
江都司武進士朱士鼎字玉節休寧人城陷被執賊
喜其勇欲用之戟手大罵賊斷其右手乃以左手盛

血灑賊賊又斷其左手幸不死歸用銀箍套其臂運
筆如飛猶以書畫傳名又有馮雲路字漸卿黃岡人
績學厲行年三十卽棄諸生從賀相講學遂家於江
夏閉戶著書御史林鳴球疏薦上其書未及召用賊
將渡江貽逢聖東曰在內以寧湖爲止水在外以漢
江爲汨羅寧湖者雲路所嘗談經處也城陷乘桴入
湖賊慕其名遣使聘之遙應曰我生平止讀聖賢書
未嘗讀降賊書也躍入湖中死從遊諸生汪延陞亦
死同邑熊雯字渭公亦以諸生移居武昌嗜古學尤

喜邵子皇極書言未來事頗驗十六年元旦盡以所
撰性理格言大易叅諸書付其三弟曰讀此可以保
身立命矣城破前一日遺書雲路言當覓我於某樹
下明日賊追至樹旁躍入荷池死諸生明睿江夏人
城破賊獨不入其門睿慨然曰安有父母之邦覆而
偷生苟活者語家人曰速從我入井否則速去於是
妻子二女及婢以次投井睿曰吾今曠然無所繫矣
亦從容投井而死後人號爲明井賊旣破武昌遂乘
勝陷嘉魚知縣霍山王良鑑再陷蒲圻知縣臨川曾